



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

26 դեկտեմբերի 2018 թվականի №760Ա
ք.Երևան

**«ՇՈՒՄԵՆ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ԲՈՂՈՔԸ
ՄԵՐԺԵԼՈՒ ՄԱՍԻՆ**

Հաշվի առնելով, որ՝

ա. «ՇՈՒՄԵՆ» սահմանափակ պատասխանատվությամբ ընկերությունը (այսուհետ՝ Ընկերություն) 2018 թվականի նոյեմբերի 6-ին Հայաստանի Հանրապետության հանրային ծառայությունները կարգավորող հանձնաժողով (այսուհետ՝ Հանձնաժողով) ներկայացված դիմումով խնդրել է վերանայել Հանձնաժողովի 2018 թվականի հոկտեմբերի 24-ի «Հայաստանի Հանրապետության հանրային ծառայությունները կարգավորող հանձնաժողովի 2014 թվականի հուլիսի 16-ի №269Ա որոշման մեջ փոփոխություն կատարելու մասին» №398Ա որոշմամբ (այսուհետ՝ Որոշում) Ընկերության «Ստեփանավան-2» փոքր հիդրոէլեկտրակայանում (այսուհետ՝ Կայան) էլեկտրական էներգիայի (հզորության) արտադրության ԼԷ№0551 լիցենզիայով (այսուհետ՝ ԼԷ№0551 լիցենզիա) ամրագրված կառուցման ժամանակահատվածի երկարաձգման ժամկետը, քանի որ նշված 15 ամիսն անհրատեսական է՝ հայտնելով, որ՝

- 1) Հանձնաժողով ներկայացված՝ Կայանի տեխնիկատնտեսական հիմնավորման մեջ՝ հիմնական շինարարական լուծումներ բաժնում, Կայանի կառուցման ժամկետը նշվել է 24 ամիս (նախագծային աշխատանքների ավարտից հետո), որի հիման վրա Ընկերությունը 2010 թվականի սեպտեմբերի 29-ին ստացել է Կայանի կառուցման №0374 լիցենզիան՝ 24 ամիս ժամկետով, իսկ №0551 լիցենզիայում արդեն որպես կառուցման ժամանակահատված ամրագրվել է 17 ամիս.
- 2) շինարարական աշխատանքներ կատարելու ժամկետների վերաբերյալ պարզաբանում է ներկայացրել «ԶՐՄՈՒՂ-ԿՈՅՈՒՂԻ ՆԱԽԱԳԻԾ»

սահմանափակ պատասխանատվությամբ ընկերությունը, համաձայն որի՝ գուտ շինարարության համար անհրաժեշտ ժամկետ է նշվել 24 ամիսը.

3) Հայաստանի Հանրապետության Լոռու մարզի Ստեփանավան համայնքի ղեկավարը տրամադրել է տեղեկատվություն այն մասին, որ Կայանի կառուցման հասցեում ձմռան ամիսներին ճանապարհներն անանցանելի են.

բ. Ընկերությունը 2018 թվականի նոյեմբերի 6-ի դիմումին կից ներկայացրել է Հայաստանի Հանրապետության Լոռու մարզի Ստեփանավան համայնքի ղեկավարի 2018 թվականի նոյեմբերի 6-ի №592 գրության և «ՋՐՄՈՒՂ-ԿՈՅՈՒՂԻ ՆԱԽԱԳԻԾ» սահմանափակ պատասխանատվությամբ ընկերության 2018 թվականի հոկտեմբերի 27-ի №06 տեղեկանք-պարզաբանման պատճենները.

գ. Ընկերությունը հայց է ներկայացրել Հայաստանի Հանրապետության վարչական դատարան ընդդեմ Հանձնաժողովի՝ Որոշման 1-ին կետի մեջ «մինչև 2020 թվականի հունվարի 29-ը» ժամկետի փոփոխման վերաբերյալ մասը վերացնելու, դրանից բխող գործողությունների համար ողջամիտ և իրատեսական ժամկետ նշանակելու ու Որոշման 2-րդ կետի 1-ին և 2-րդ ենթակետերը կասեցնելու պահանջներով.

դ. Ընկերությունը սույն թվականի նոյեմբերի 28-ի գրությամբ տեղեկացրել է, որ Հայաստանի Հանրապետության վարչական դատարանի կողմից վերադարձվել է Ընկերության հայցադիմումը, հետևաբար վերականգնվել է վարչական մարմին դիմելու Ընկերության իրավունքը, և վերստին խնդրել է վերանայել Որոշմամբ փոփոխված ժամկետը.

ե. սույն թվականի նոյեմբերի 28-ից հարուցվել է Որոշման վերաբերյալ բողոքի քննարկման վարչական վարույթ.

զ. «Վարչարարության հիմունքների և վարչական վարույթի մասին» Հայաստանի Հանրապետության օրենքի 75-րդ հոդվածի 2-րդ մասի համաձայն՝ վարչական բողոքը քննարկվում է բողոքարկված վարչական ակտի իրավաչափության տեսանկյունից, իսկ հայեցողական լիազորության իրականացման դեպքում՝ նաև նպատակահարմարության տեսանկյունից.

է. Որոշման բողոքարկման վարույթի շրջանակում հաստատված է համարվել, որ՝

1) Ընկերությանը Կայանի կառուցման №0374 լիցենզիան տրամադրվել է Հանձնաժողովի 2010 թվականի սեպտեմբերի 29-ի №511Ա որոշմամբ՝ մինչև 2012 թվականի սեպտեմբերի 29-ը գործողության ժամկետով, որն այնուհետև

Հանձնաժողովի 2012 թվականի սեպտեմբերի 12-ի №360Ս որոշմամբ երկարաձգվել է մինչև 2014 թվականի հուլիսի 29-ը.

- 2) հիմք ընդունելով «Էներգետիկայի մասին» Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության 2013 թվականի հունիսի 19-ի №ՀՕ-86-Ն օրենքի 16-րդ հոդվածը և հաշվի առնելով Ընկերության 2014 թվականի հուլիսի 1-ի հայտը, Հանձնաժողովի 2014 թվականի հուլիսի 16-ի №269Ս որոշմամբ Ընկերությանը տրամադրվել է ԼԷ№0551 լիցենզիան, որով Կայանի կառուցման ժամանակահատվածը հայցվող 2 տարվա փոխարեն ամրագրվել է մինչև 2015 թվականի դեկտեմբերի 29-ը (երկարաձգվել է 17 ամսով)՝ հաշվի առնելով այն, որ Ընկերությունն արդեն իսկ ներկայացրել էր տեխնիկական և բնապահպանական փորձաքննություններ անցած նախագիծը: Այնուհետև Հանձնաժողովի 2015 թվականի դեկտեմբերի 16-ի №432Ս որոշմամբ կառուցման ժամանակահատվածը երկարաձգվել է մինչև 2017 թվականի մայիսի 29-ը, իսկ 2017 թվականի մայիսի 17-ի №166Ս որոշմամբ՝ մինչև 2018 թվականի հոկտեմբերի 29-ը,
- 3) Ընկերությունը 2018 թվականի հոկտեմբերի 2-ի գրությամբ խնդրել է երկարաձգել ԼԷ№0551 լիցենզիայով ամրագրված կառուցման ժամանակահատվածը մինչև 2020 թվականի հոկտեմբերի 29-ը՝ 2 տարով,
- 4) Որոշման, այդ թվում՝ դրանով ԼԷ№0551 լիցենզիայով ամրագրված Կայանի կառուցման ժամանակահատվածի՝ 15 ամսով երկարաձգման իրավաչափությունը բխում է հետևյալ իրավանորմերից՝
 - «Էներգետիկայի մասին» Հայաստանի Հանրապետության օրենքի՝ 5-րդ հոդվածի 1-ին կետի «ե» ենթակետ, համաձայն որի՝ էներգետիկայի բնագավառում պետական քաղաքականության հիմնական սկզբունքներից է տեղական էներգետիկական պաշարների, էներգիայի վերականգնվող աղբյուրների արդյունավետ օգտագործումը և դրան ուղղված տնտեսական ու իրավական մեխանիզմների կիրառումը, 23-րդ հոդվածի 3-րդ կետ, համաձայն որի՝ լիցենզիայի գործողության ժամկետը և գործունեության իրականացման աշխարհագրական տարածքը սահմանվում է Հանձնաժողովի որոշմամբ և ամրագրվում լիցենզիայում,

35-րդ հոդված, համաձայն որի՝ էլեկտրական էներգիայի արտադրության լիցենզիաները տրվում են՝ հաշվի առնելով տեղական պաշարների արդյունավետ օգտագործման անհրաժեշտությունը

- «Հանրային ծառայությունները կարգավորող մարմնի մասին» Հայաստանի Հանրապետության օրենքի 4-րդ հոդված, համաձայն որի՝ հանրային ծառայությունների ոլորտում կարգավորման նպատակներից է կարգավորող մարմնի կողմից օրենքներով սահմանված իր իրավունքների և պարտականությունների իրականացմամբ ռեսուրսների արդյունավետ օգտագործման խթանումը.
 - «Լիցենզավորման մասին» Հայաստանի Հանրապետության օրենքի 8-րդ հոդվածի 2-րդ մաս, համաձայն որի՝ էներգետիկայի բնագավառում լիցենզավորման առանձնահատկությունները սահմանվում են «Էներգետիկայի մասին» Հայաստանի Հանրապետության օրենքով և դրա համաձայն ընդունված լիցենզավորման կարգով.
 - Հանձնաժողովի 2013 թվականի նոյեմբերի 1-ի №374Ն որոշմամբ հաստատված՝ էներգետիկայի բնագավառում գործունեության լիցենզավորման կարգի 39-րդ կետ, համաձայն որի՝ արտադրության լիցենզիայով ամրագրված կառուցման ժամանակահատվածը կարող է երկարաձգվել նախկինում սահմանված կառուցման ժամանակահատվածից ոչ ավելի.
- 5) Որոշմամբ ԼԷN°0551 լիցենզիայով ամրագրված Կայանի կառուցման ժամանակահատվածը հայցվող 17 ամսի փոխարեն երկարաձգվել է 15 ամսով՝ հաշվի առնելով այն, որ դեռևս 2010 թվականից՝ Կայանի կառուցման N°0374 լիցենզիայի տրամադրման պահից մինչ օրս, շուրջ 8 տարի, Ընկերության կողմից Կայանի կառուցմանն ուղղված որևէ աշխատանք չի կատարվել (ինչը փաստվում է Ընկերության կողմից տարբեր տարիներին Հանձնաժողով ներկայացված տեղեկանքներով)՝ ինչի արդյունքում, ըստ էության, խախտվում է համապատասխան բնական ռեսուրսի արդյունավետ օգտագործման պահանջը, ընդ որում նույն մոտեցումը Հանձնաժողովի կողմից ներկայումս կիրառվում է բոլոր լիցենզավորված անձանց նկատմամբ,
- 6) Որոշմամբ երկարաձգված ժամկետի վերանայման համար Ընկերության կողմից բավարար փաստական և իրավական հիմնավորումներ չեն ներկայացվել:

Մասնավորապես, Ընկերության կողմից դեռևս 2010 թվականին Կայանի կառուցման լիցենզիա ստանալու հայտնին կից ներկայացված «ՋՐՄՈՒՂ-ԿՈՅՈՒՂԻ ՆԱԽԱԳԻԾ» սահմանափակ պատասխանատվությամբ ընկերության կողմից 2009 թվականին կազմված՝ «Ստեփանավան-2» փոքր հիդրոէլեկտրակայանի տեխնիկատնտեսական հիմնավորման 12-րդ աղյուսակի՝ նախագծային և շինարարական աշխատանքների օրացուցային գրաֆիկի համաձայն՝ կառուցման համար անհրաժեշտ 24 ամիսներից 7 ամիսը նախատեսված է եղել նախագծային, նախահաշվային աշխատանքների և փորձաքննությունների համար, իսկ բուն շինարարական աշխատանքների համար՝ 17 ամիս: Ուստի առնվազն տարակուսելի է Ընկերության կողմից ներկայացված «ՋՐՄՈՒՂ-ԿՈՅՈՒՂԻ ՆԱԽԱԳԻԾ» սահմանափակ պատասխանատվության ընկերության 2018 թվականի հոկտեմբերի 27-ի №06 տեղեկանք-պարզաբանումը առ այն, որ գուտ շինարարության համար անհրաժեշտ ժամանակ է ընդունվել 24 ամիս՝ չհաշված նախագծային և փորձաքննության համար անհրաժեշտ ժամկետը: Ինչ վերաբերում է Ընկերության ներկայացրած՝ Հայաստանի Հանրապետության Լոռու մարզի Ստեփանավան համայնքի ղեկավարի 2018 թվականի նոյեմբերի 6-ի №592 գրությանը («քաղաք Ստեփանավան Ձորագետ 10,11,12» հասցեների հողատարածքներ տանող ճանապարհը ձևան ամիսներին անանցանելի դառնալու և համայնքի կողմից չսպասարկվելու վերաբերյալ), ապա այն որևէ կերպ չի կարող դիտվել որպես բողոքի հիմնավորում, քանի որ դրանում նշվածը, ըստ էության, հանդիսանում է կանխատեսում դեռևս տեղի չունեցած եղանակային խոչընդոտների վերաբերյալ: Ապագայում մատնանշված իրավիճակի առաջացման և այդ կերպ Ընկերության կամքից անկախ Կայանի կառուցման աշխատանքները խոչընդոտվելու դեպքում, վերջինս հնարավորություն ունի դիմելու Հանձնաժողով նման իրավիճակը ֆորս մաժոր ճանաչելու համար՝ համապատասխան իրավական հետևանքներով: Միաժամանակ, հարկ է նշել, որ Ընկերությունը որպես կարգավորվող ոլորտում գործունեություն իրականացնող տնտեսվարող, նախքան լիցենզիայի ստացումը պարտավոր էր գնահատել գործունեության հետ կապված բոլոր ռիսկերը:

- 7) բացակայում են Որոշման բեկանման՝ Օրենքի 77-րդ հոդվածով սահմանված հիմքերը, և

հիմք ընդունելով «Վարչարարության հիմունքների և վարչական վարույթի մասին»
Հայաստանի Հանրապետության օրենքի 76-րդ հոդվածի 1-ին մասի «բ» կետը՝
Հանձնաժողովը որոշում է.

1. Մերժել Ընկերության 2018 թվականի նոյեմբերի 6-ի և 28-ի դիմումներով ներկայացված բողոքը՝ Որոշումը թողնելով անփոփոխ:
2. Ընկերությանը՝ ընդունել ի գիտություն, որ իրավասու է սույն որոշումն ուժի մեջ մտնելու պահից երկամսյա ժամկետում այն բողոքարկել Հայաստանի Հանրապետության վարչական դատարան:
3. Սույն որոշումն ուժի մեջ է մտնում Ընկերությանն օրենքով սահմանված կարգով իրազեկելուն հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱԴՐԱՎՈՐՈՂ
ՀԱՆՁՆԱԺՈՂՎԻ ՆԱԽԱԳԱՀ ՏԵՂԱԿԱԼ



Մ. ՍՈՂՈՍՈՆՅԱՆ

ք. Երևան
26 դեկտեմբերի 2018թ.